

榮

性

堂

集

榮性堂集卷十三

吳縣吳俊曇繡

古今體詩

舟泊滕王閣下

章江日夕流傑閣並城樓野濶分吳楚牕虛掛斗牛魚龍

窺獨夜角鼓入清秋不敢題詩句雄文在上頭閣西壁刻

秋風吹鬢改落日慙撓停款款諮時政城中司道諸公條

條辨水經共論章江源流遙空見廬阜暮色莽官亭客去倚蓬坐

長江數點星

諸公飲余於百花洲上

灌嬰城裏百花洲叢桂芙蓉相映秋月瀉酒盃波瀲灩風

吟茶鼎響颺颺諸公治術能清靜顧我詩篇寡勁道半醉
欲眠聞喜語歲豐米賤十三州

今年江西大稔

樟樹鎮

朝議紛紜辦賊難六龍南狩渡迎鑾檻車已把封狼繫始
識軍中有伯安

吉州倉猝駐軍門部勒勤王羽檄奔至竟暮雲樟樹黑似
聞慷慨誓師言

八月十五夜峽江舟中

今夜月輪滿蒼山增暮寒徘徊望吳會繼繼懷長安長安
在咫尺天闕五雲端吳會亦不遠江湖衣帶寬骨力自
矯健惜不傅羽翰相思托魂夢既醒徒汎瀾扁舟峽江郭

白塔依翠巒下爲章貢水沙石激清湍撫觴不能飲仰視
星斗闌烏蓬掩岑寂玉鏡飛團圞徒御亦孔瘁前路修且
湯殷勤告三老好理檣與竿西風正飄發努力溯瀨灘會
當狶酒勞勿辭牽挽難

瀨灘

來時春漲百灘空穩過千山睡夢中今日漲消山露腳蒲
船惶恐醉黃公

惶恐灘又名黃公灘

白塔孤城是萬安北風獵獵轉旌竿逆流縱有長帆送無
奈舟行曲折難

長年揺手怕綿津

灘

石伏波心不露鱗一觸便無收板處

全憑眼力覷來真

長空舞索

灘

自滔滔兩岸蒼崖勢競高船到索端欹欲墜

千鈞憑仗一枝篙

大蓼小蓼

灘

白浪蠡曲尺稱竿形貌殊空灘日暮颯風雨

何處飛來八陣圖

有九宮八卦石

石人終古臥潺潺有石人壩龍堦嵯岈鳧頸彎伐鼓鳴鉦過天

柱

灘舉頭先見賀蘭山

贛州用東坡先生鬱孤臺韻

二毛炎海客八月鬱孤游一郡圍千嶂雙江納衆流故應

題望闕不用賦悲秋潦盡槎橫渡霜乾鴈落洲虎頭銜晚

照龜尾聳岑樓迅激灘中石蒼茫嶺外州盜銷兵自暇祠

古祀常留

常開平王文成祠

八境匆匆別揚帆月滿舟

王午堂都督招飲

射堂西畔戟森森，擊鼓秋風老將心。
諸葛扇宜拂名士侍，中甕自惜分陰捲。
簾飲我丁坊酒盃，手披君灑石吟馬稍。
縱橫人蘊藉，賀蘭山色照盃深。

橫浦橋

樓櫓夾明鏡，跨以飛梁危。但看虹霓亘，恐有鯨鼉移。
聶都一匹練，失勢乃倒垂。盤折五百里，下與儲貢期。
到此意漸放，雙城關鎖之中流。立千柱，閣道憑空爲津烟。
隱市火塔影，搖沙湄泉貨。遂輻輳，帆檣亦參差。橫浦白橫絕，庾勝曾屯師。
至今百樓固，不用知軍治。落日一憑眺，鬱鬱萬井炊。

度梅嶺

又隨賓鴈度梅關，滿路秋花照鬢斑。
回望觚稜九天迥，俯看煙嶠十州環。
歲逢大稔應狂舞，官是重來實汗顏。
太息開元賢宰相，至今風度映蒼山。

南雄贈鮑太守

現

廉守固與瘠郡宜，年未六十霜滿髭。
俸錢全入尚不飽，何況強半又奪之。
空厨括甑餓鼠散，病鶴不食頭低垂。
二令保昌始興執版口，嚙喘逋賦滿縣催。
科疲天憐太守賜，豐歲米賤足供日。
兩炊近來芙蓉遶池發，紅艷灼灼酣秋曦。
放衙無事此靜坐，便覺富貴盈軒墀。
百錢斗米近希有，補苴倉廩計莫遲。
星之所好異風雨，剛柔偏勝俱政疵。
山多不能絕虎患，要先草去煩苛治民肥。
那有官獨瘦，請君三復樂。

只詩

韶州贈潘太守

紹觀

二難英妙分臺省

太守兄弟俱以翰林起家兄紹經現為侍御史太守以刑部郎出典斯郡

仲

也懸龜守大州氣勢欲迴三峽水風神無限曲江樓青山
壓葢春行部燕寢凝香晝慮囚同住東華香土窟蒸來旌
旆雨悠悠

夜至峽山寺見工已落成欣然賦之

緇流似麋鹿奔走巖之隅縣令秉炬候水師爲前驅入寺
梵唄發丹漆煥構櫺照佛點新火棲僧易舊蒲旣賀鶩
定更喜病栢蘇長老老無子輒自子其徒濟濟七百指仰
食山後租自從經水厄無處安跣趺譬諸有家室敗易成

良劬厥子肯堂構理可通浮屠紺殿倚削壁明月規方觚
諸天仰調御篤耨禮丈夫遂於刹那頃還此舊日模老楮
發黃菌新泉出厠媮道人詫奇瑞引看拍手呼一鉢香積
飯遍滿娑婆厨不知人間世有此饜飫無鐘鳴猿復嘯零
露如綴珠出門萬籟寂烟際見二鳥

閱清遠縣大小凌洲新築基園

喜見新沙已擁隄底須大守鑿三犀當時一夜濤瀾捲不
日千夫礮鼓齊轉眼沮洳翻稔稻深秋籬落散豚雞從今
不怕瀆湟漲明歲重來蹋麥畦

聞省中祈雨

大賢秉鉞綏南離鬼神實陰左右之宜暘而暘宜雨雨暑

刻不爽如龜著今年五月米騰貴百錢不足人一炊是用

下令亟捐賑大府首倡迨庶司設糜食人目萬指起厓扶

瘠相奔迫羣吏奉戒勿嘑蹴來食鑿彼黔敖辭謹聲旬日

溢城野猶覺挾纊王巡邏其時節氣乍芒種早稻已刈堆

墉坻野人笑舞市狙歎白飯出釜滑滿匙一餅

粵人謂洋銀爲番餅

石穀紛負戴頓以飽樂忘饑羸此中消息罔測識人也莫

非天所爲近來秋晴廓層昊晚稻臥隴風翻披桔槔聲乾

渠水縮碌礮泥暖莎雞癡雖非大旱望雲霓不免重請求

蛇醫想見節樓嚴且靜撰辭畝水心夔夔精誠可以感金

石礎潤當有雲遮曦山中白龍睡已足會看穉穉翻淋漓

九月十八日禱雨白雲山龍神祠是日夜半雨作至

次日辰時方止

臥聽喧聲發瓦溝，懸知猷澮已通流。
佛慈那忍蒼鷺厄，天近匪從蜥蜴求。
重九野鋪遲刈稻，十三州種隔年薶。
攬衣躍起淋浪舞，夜半驚龍乍出湫。

題莊胥園廉訪詩後時胥園病耳聾用東坡先生次

韻秦太虛見戲耳聾韻

胡椒八百笑元載，何曾萬錢腹。
何賴世間萬事虛，飄飄人盡聰明我聾聵。
縱聾於耳聰於心，七竅暗通大塊噫。
要從腕底活千人，更看筆端涌萬派。
詩如黃菊翦秋雲，娥媚不受風雨敗。
七十年光去電泡，纏身只有苦吟債。
手瘋磨墨硯生凹，聞塵是病賀已差。

楚憚切同瘥

不妨人詫作佯聾，額上

怕有難冠礙平生，俎豆韓潮州。忠信能伏颺，鰐怪滿腔生。
意是哀矜折獄，羞言并翦快。

得少甫書及所刻錦城留別詩次韻寄之

片紙書來自益州，使君尙戀錦官遊。三吳未有菟裘集，二
曲先爲牖戶繆。都中覓屋苜蓿頻年堪自飽，瓜泥一昔豈無由。

蜀中賓客都能賦，臨別清樽繼綵留。

遮人遠目是蒼山，羨爾乘輶好北還。詩在草堂秋色裏，夢
來梅嶺暮雲間。三年不媿校官長，八口無妨家具慳。羸我
盈顛堆雪白，舌端已帶鳩音蠻。

曾否觀風得馬揚，文章華國揆天長。清秋雲物過秦棧，
曉日觚稜指帝鄉。詩律貴嚴喉忌滑，舌鋒須斂醉祛狂。

藤廳啓事匪容易清要班中綴一行

孟光舉案對梁鴻繡襪提攜蹟面紅

少甫於蜀肆啟市門

頻問卜馬亡塞上莫悲翁

少甫以庶吉士散館歸班尋授內閣中書舍人屢膺銜文之

任可謂失馬焉知非福矣

難忘枌社吳淞上好盍朋簪人海中珍重立

言期不朽從今綺語掃應空

石翁大司馬以燈下偶占七律囑和依韻奉呈

維摩寂處原非病結習消時便似慵不覺踈帷蚊蚋鬧已
鬪尺宅坎離攻健將老鶴三更警恤彼勞魚萬口喁仙佛
聖賢二而一此生何幸得遭逢

又和五夜不寐又拈二首韻

一盞元燈照海山不教吏濁重民瘼活人術富身偏病請

雨心勞鬢忽斑南庫歲登珠玉賤瘴雲秋霽橘橙殷節樓
更靜公無寐朱雀金花伴不繇

內重方知外物輕河車夜轉似雷鳴明珠竟體誰能識真
誥千言手自評如月眼中清不滓容人腹內綽多情天花
散作塵間雨叱犢冬泥已可耕

又和校射韻

曉隨旌纛出嚴城射圃頻陪校閱精穀滿六鈞鶴尾健埒

長千步馬蹄明遙除栢府遷樞府

公於本年四月晉秩總
憲今又拜大司馬仍署

粵督暫留
巡撫之任

不袒經生薄武生沙盡披時金自見虎賁初軼

氣崢嶸

和石翁喜雨元韻

如聞帝謂九天音澤我蒸黎雨布金濯稻有功潮氣白粵東

瀕海之田謂之潮田潮退地鹹經雨則浚稻益豐茂潑畚無跡燒痕黔早稻刈後雨根在田以火

燒之上色黝黑得雨則草膏豚倍沃大魚吐浪扶胥口舊葉辭柯訶子林嶺南

樹葉不落新葉出則舊葉讓而辭枝何必定看花六出一枝嶺上已堪尋嶺南

無雪以雨爲雪今日乃小雪也

石翁疊喜雨詩韻見示再呈

提耳雷碾振法音迷途欲鑄九州金丹田無火爐成燼傳

舍重炊突又黔九月重來廣州冒樹弱絲霏似霰是日復雨綴叢乾藥

東如林菊花已殘十關示我分明路見示十關詩奧義精言待討尋

武闈揭曉石翁復疊前韻見示再奉呈

鷓立桓桓聽好音釋藍喜勝佩緋金擘窠成朶硃書紫潑

軸如鴉墨點點照室魁光剛傍月凌冬榜藥乍開林遺才
莫漫拋弧矢會有殷勤鐵網尋

聞福公相晉封貝子隨石翁四疊前韻

一紙

綸音先

去聲

捷音固山章篆重璆金

受

國朝貝子俱固山封號

諸王位亞冠翎翠

親王至貝勒制不戴花翎戴自貝子始翎用三眼

八陣兵收石

絕黔相國舟霖謙若谷勳門圭笏盛如林睨他衡岳三公

貴迴鴈峯高拱萬尋

演子母炮隨石翁五疊前韻

佛郎機發震天音遺製精磨子母金虛實互銜騰燄紫後

先爭奮沸波黔喙翹

形與過山鳥相似

足壯餘皇氣

粵東水陸各營額貯子母

炮七百餘件先因打造捕盜米瓶借用四百餘件分布排列頗資其用今復設爐補鑄以足原額

關捷能

摧甲冑林五壘三奇無此法筮爻號號理堪尋

閱水師兵隨石翁六疊前韻

水陣魚麗亮角音大瀛鳥浴翅翻金蹕潮一隊蝥弧赤飛
礮連環鷺霧黔當日艤艦伏波壘卽今睥睨海珠林危檣
巨綆都盧戲毫髮躋攀度十尋

望雨隨石翁七疊前韻

臥聞乾鵲暍枝首起看朝暎欲暈金但得東風拖露白

東粵

三日霧
必有雨便堪南畝糞泥黔齋心五夜通慈昊翳景崇朝徧

芾林指點片雲沙際閣越岡咫尺失千尋

是日赴波羅
雲氣甚濃

越波羅舟中隨石翁八疊前韻

由來至樂本無音蹕事笙匏與簾金北斗運樞斟沆瀣大

瀛環軸奠蒼黔舟霖肯袖經綸手黼藻宏開著作林矮几
船窗聽玉屑引人津筏好探尋

遡風隨石翁九疊前韻

風獵旌竿戛戛音夕陽銜壁絢丹金獅洋吼浪千層轟鹿
步炊烟一縷黔沙鳥覩人常傍檝岫雲含雨佇沾林黃頭
努力過黃木潮落灘痕驗尺尋

十月二十五日陪石翁大司馬祭南海神廟用昌黎

謁衡嶽廟韻

維瀆視侯嶽視公九州稊米環裨中衡山祝融位丁火其
神分宅南訛雄燭龍銜珠海若笑妖蜃斂霧狂蛟窮魏祠
權輿紀赤伏調燮暘雨兼寒風琵琶洲外黃木口泱泱一

氣天池通我來竊祿歲六稔但有盈止無匱空更逢大賢
秉節鉞民誠神格三光融孟冬諏吉薦芬苾灑掃齋室禋
琳宮韓碑蘇碣炳星斗漆燈畫壁交青紅攝衣偃僕氣屏
息頓首禱籟微衷螟蝨不害癘不作盜賊改行士飭躬
神其來思降曼福貽耆壽與堯氓同耕犍晝遨烏自飽冬
麩已播歛未終民歌民舞拜神德神曰天賜吾何功鬱攸
不奪元冥職離坎旣濟星月隴鐘鳴漏歇山鳥動稍辨黑
豆來瀛東

銅鼓歌和石翁元韻

絳宮青燎翮雲旗神馬赭汗精權奇五更秉炬看銅鼓
蝙蝠翅大饗象夔摩抄中邊覓款識文字烏有倘脫遺傳聞

新息實鑄此跼鳶百萬征蠻師金精入爐風伯扇銖兩配
合造化錘膚青體黥模范古鏞駁紋隱雲雷疑一守火房
一躍海不似劍化雄隨雌岐陽十碣半亡在文命九鼎紛
成虧神物呵護賴丁甲千載鬣吼劉王祠相傳南海神姓
劉唐封廣利王
奮搗欲考恐類莛賦海無筆唾測蠡既觀其巨逮厥亞摸
金掘得愁妖臙腰臍凹凸腹已洞環紐斷裂顛難持雖然
啞不中官律猶勝瓊碎千金聳寒宵月黑潤生礎龍鳴聲
應霖祁祁波羅風腥水母關木灣潮嚙崩沙危時清戰鼓
久銷息門外萬船屯島夷

游坡山穗石亭和石翁元韻

黨人生邁紹聖時貶削不已竄逐隨老坡文章照天下延

和入侍埋禍基英州未赴赴寧遠才大命薄一至斯同安
已死雲妾侍練褰白髮交光輝廣州題詩不數首至竟巖
業坡山巍想當然耳足曾到仙羊化石松凝脂焚香閉門
自存想五十九年何有哉合江亭子似相待遠游曇秀來
歡哈新居初成邁也至趨貶別駕驅鰥鱓僧伽夢靈何足
怪負擔別却羅浮梅颶風不動鱣遠避筮卦得渙輕儋崖
道逢春夢兩會意唱罷哨遍攜瓢歸平生履踐本著力在
宥一語聲滿垓後數百年作者起三田燦燦金花栽爲時
撒手作霖雨何必遽賦歸去來

冬至前六日雨

葭灰未動檻泉冰萬里蒼山雪沒稜惟有粵東殊月令難

憑洪範卜休徵連滕龜坼貪酥潤亘海虹明引螯升絕似
蕭蕭小樓夜東風飄斷溜如繩

交洲亦自有齊諧龍女由來信不乖

下白雨娶龍女粵諺也

陣陣鶯

帆沙嶼暝濛濛蜺霧水村霾老翁百歲不知雪生菜三冬
但蓄鮭魚生粥 薤白薯紅黃犢健隔年生計早安排

十一月初九日聽雨隨石翁十疊喜雨韻

徹夜簷聲振鐸音曉聞敲瓦似從金驛傳雪瑞三楓縞始興

縣馳報

得雪 戶飲酥甘億首黔竟欲霑露鳴甃益豈惟瀟灑潤

園林夢中盈耳鈞天奏縷縷繩繩醒可尋

托都督

爾歡

貽自製貓蝶水晶鼻煙壺

世無人不愛巴菰擁鼻還嫌墨土龕

鼻煙之劣者俗稱塞門土

珍重故

人分僻嗜

都督精於品煙且能自製壺及匙極工緻

殷勤小物見精模嗅香蝴

蝶雙翎翠趁煖狸奴修尾烏

壺有天然青黑二點就之爲蝶翎貓尾極肖

試一

拈聞再三噓今宵君莫道吾無

恩詔嘉慶元年普免天下地丁錢糧恭紀隨石翁十

一疊喜雨韻

百驛傳來

賜復音十行誕布普天金歡騰大酺芸生赤

法肅屯膏墨吏黔龍負玉苞星五點葭飛灰瑄雪千林一

家

堯

舜春行慶鳳下璇霄萬仞尋

題胥園廉訪碧梧小序後

碧梧廉訪姬也曾侍廉訪出塞

相逢金馬碧雞年深巷城南翠袖偏空谷佳人倚修竹小

車才子委金鈿夢蘭娘已懷麟玉繡佛鍼能現火蓮一事

請君譜羌笛玉門關雪照嬋娟

夜聽林明齋彈琴

月華流檻花參差寶鴨香燼更漏遲援琴定軫張清絲相
對不語釵蟲窺鳧鷖點浪輕漣漪浮萍柳絮不自持迦陵
梵唄無言辭松風鳴澗次第吹忽然入木砉欲剗雲隕雨
激昏崦嵫羣猿亂啼山鬼悲青楓蕭瑟秋蘭萎平沙雁啄
蘆岸欹水仙羅襪江之湄絃高徽促落指危手閑心冷取
勢夷旣往而復氣若衰將墜故抗出峴奇終歸澹泊遊黃
羲狡獪畢竟誰所爲絃耶指耶吾弗知請君二者交廢之
聽我坐咏無聲詩

聞少甫自蜀還京於九月二十八日瞻 聖喜而賦

詩

我年五十有二髮未皤君少兩歲今如何三年銜 命典

蜀校相士搜遍淵雲窩岷江雪浪吼夔峽犍犛襟帶靈關

嗟傳聞作詩厚盈寸左思賦料供研摩茱萸蒟蒻富採擷

邛竹茵桂交婆婆草堂懷古感槃足公孫灰燼甫輶軻東

灑西灑接江漲劔南文藻隔山阿粵之去蜀六千里夢裡

聞子發浩歌昨者吏部進除目司封藤廨吾舊窠少甫除司封員

外京朝命秋風正好及瓜代逕度秦棧踰長河明光宮中

拜 天子禁漏清切香煙多我今奉職百無狀勉子努力

休蹉跎我家祖父世清德至我與子忝甲科維鷄不濡刺

其子瘵職當有神譴訶聲名翰墨是餘事當官不稱違問

佗

閱撫標兩營操兵隨石翁十二疊喜雨韻

曉日和門振角音廣分左右肅聲金五申步伐轟霆赤兩
翼彌縫歎霧黔撝羽聲中觀若堵刑牲臺下隊如林堂堂
節度今司馬畢以終朝法可尋

題同年毛宿亭遺畫

吾聞畫家訣畫樹頭扶疎

畫家言畫樹難畫頭欲其紛披而鬆散也其結而不開者主其

人境遇坎壈

最忌繁而簇一生憂且劬毛公鳳池彥長頸關瘦

軀書不求甚解詩清味有餘東塗復西林輒作水墨圖大
癡與黃鶴形似神豈殊微嫌樹頭點結體鬱不舒百幀殆
一轍斯病急難祛我時與同舍如魚互煦濡恐其遂終窶

頽然雪盈顱病妻已先逝伶仃遺弱雛長安日刮無座客
半索逋猶日畫一幅以易桂與珠書生困寒臥終歲慘不
愉疾來緩縮手室空鬼椰揄鵬鳴鶴復嘯悠悠下泉途艱
難舉雙樁跋涉歸葬吳東野竟已矣退之吾不如墓門闕
片石抱憾常歛嗔荏苒一十載遺墨珍璫瓊楓林點霜葉
枉渚插短蘆行斜字能勁縐變筆善枯想見據几時殘瀟
沾脣鬚人徂盡斯壽不復見其瘡風來樹欲活灑脫無繫
拘可知君化去搖筆還自娛

獨坐漫書

日色穿窗樞鳥聲散庭樾坐頃千息調笑彼書空咄
圃晴狂蝶鬧吏散午雞啼解得吾無隱庭中開木樨

不語亦不默牟尼轉百八至愚是聰明大慧要聾瞎
井谷窈以深吁嗟甕敞漏汨汨且射鮒勿慕福自受
山茶迸似火犀甲裹鶴頭因其無態度不怕霜風道
庭下篋篲竹挺挺百丈夫戰風驟甲馬弄月調笙竽
懶讀游仙詩厭聽元門語一日坐一時耳中聞鬪鼠
干戈與俎豆用殊體則一不見王伯安雅歌破山賊
何人花下奕落子聲琤然入我無心耳知其不戰全

散普濟堂老人錢

娑婆鉢飯散難勻哀此鰥嫠老病身口給百錢慚小惠歲
分一褐助陽春每歲冬月每老人一名給綿衣一件故應手足無皸瘃怕有
糠粃雜廩囷每歲老人口糧由道庫發銀採買貯倉每月按旬支給稽察稍疎吏胥輒以糠粃攙雜

鮎背霜龐齊念佛隔牆恰與瞽嬰隣

瞽目院育嬰堂俱與普濟堂相近

聞戴蓮士除翰林學士喜而賦詩十三疊喜雨韻

喜聽新除玉局音條冰日日飽蓋金衣因侍案留香裊唇
爲裁麻吮墨黔異數史誇蓮撤炬泰交休應鳳巢林故人
遠在珠江上矯首雲梯迴萬尋

臘月初四日雨

經營鵲始巢辛苦雁北鄉嶺南臘月煖如春山茶吐火小
桃放天公不解作雪霜白雨如絲灑千嶂使君衙散閉簾
櫳自熱水沉香滿帳擁檠挑燼怯簷風掀簸漸覺瓦溝漲
三州十郡二千里不識能否普酣暢呼僮煨薯

余嗜煨薯

炙陳

村酒坐聽統如譙鼓壯

聞吳龍登石柳鄧石三保就擒十五疊喜雨韻

隔嶺郵馳獲醜音何人縛者 賞千金巨螳六臂誅稽磔

想當檻送京師

妖火三危燼已黔不數飛鳶表銅柱自今釋甲散

桃林受俘正際

勲 華禪赫赫膚功典誥尋

觀蔣心餘太史雪中人傳奇

孝廉自可人六奇實名士倘不遇督師一囚一餓死

寨賊三十六轅門稽顙頻今朝橫海將當日雪中人

一揮三千金予義取亦義兜鏊齷齪子藉兵以自利

友也父事之囊韃拜措大我亦好相人傷心不逢丐

奇絕報恩局快人作快事一朵縹雲峰能爲顛米媚

先太夫人忌日誦心經十遍

昔未親含襚今仍背隴邱雖陳大夫祭何補畢生憂逮事

無多僕鄉音屢付郵

內子與孝彪慈鶴俱在吳門未來

清齋經般若撼樹

朔風迺

是日大風

試用知縣沈

權衡

奉余委赴曲江等縣公事歸以途

中作詩十四首呈余品定爲賦詩

家住菱湖煙水叢

湖州菱湖人

隱侯苗裔六朝風由來士欲優

而仕大抵詩從瘦後工行役曲江山滿郭聽猿中宿雨鳴
蓬儘多美錦需人製書律須教讀並通

榮性堂集卷十四

吳縣吳俊曇繡

古今體詩

和石翁五仙觀觀五羊石

神仙游戲亦幻哉騎羊入市何自來仙乎羊乎化石五五
穗播無窮荻衣冠侏儻變文物日用蠶薨兼稻稌山川
雄糾秦尉國花草深鎖劉王臺由來南越號南庫象犀珠
貝走九垓土爰穡稼是根本餘氣百果繁條枚仙人不死
石羊在穀我士女秋雲堆問仙年紀爲仙壽仙髮已白羊
毳毼頑蒼彷彿印巨蹠猛虛瘖含春雷受羊三百爲求
牧樹藝終古寧忘邵歲闌春早旌纛暇尋仙歸去瓶插梅

清詩勝游兩不朽人間何處非蓬萊

前聞吳隴登等三逆就擒久而不得諦音

綠斯獲後獲三如

長秋焚如簡如僑如

畢竟鄭瞞醜盡除幾度大農

稽賦籍

戶部奏撥江蘇等省鹽課地丁充餉

何人幕府草軍書

軍中書記何人不能確知

梗飛來吉語知非妄聞道克巢已入陸欲以不文撰皇

雅連旬濡筆湯躡蹠

予年三十時曾和蘇長公饋歲別歲守歲詩今不能

記憶矣除夕獨坐輒復爲之

姍鄰遠故鄉慰我有僚佐欲舉饋問儀篋笥空

去聲無貨毛

生是楚產遠寄波羅大

毛家柱湖南新化人自韶州寄我波羅蜜果

寘諸几案

間清香伴宵臥莊子憐我寂椽燭雙照座

莊廉訪貽巨燭守歲更有

餌如珠輕粉出細磨多取已傷廉不報益重過作詩聊自
文或冀見者和

右饋歲

跛狎躡奔驥夫人笑其遲病蟻走疾磨厥勢安能追歲華
去無盡吾生乃有涯以此有涯壽餞彼無盡時轟擗鄰鼓
開堆俎花豬肥歲來亦勿喜歲去亦勿悲明年到此夜又
作送別辭歲閒自不老人忙恐早衰

右別歲

近來頗多畏事過疑杯蛇堂堂旣去日乃欲強要遮今夕
是除夕明星爛如何官厨火不滅待曉爆竹譁爐香屢添
注畫鼓故慢擗東南蒼龍角光射西北斜須臾天下旦何

爲守蹉跎猶有兒女見不寐以相誇

右守歲

嘉慶元年春帖子詞

復旦光開丙時乘德在辰官中

堯禪

舜天地一家

春

五更簷角掛蒼龍
詠蕩天門長養風
海外波臣盡稽首
扶桑初日象重瞳

丙辰元旦

稽古堯禪舜乃是丙辰年更百十甲子

勲華復授

傳五老戲河渚
七政仍璣璿
都俞孝慈契
謨典官家全
六合呼萬歲
榮光塞坤乾
方知姚嬀際
強名曰中天
茆茨

嘆耄倦側陋由窮蟬燔柴禮非襲大章樂不沿史臣競粉
飾用意多幹旋何如 聖承 聖 詔語家庭便日月
在堂構星辰依次躔天行 上皇健對越 嗣聖虔兩
宮奏鐘鼓四海春熙然微臣顧何幸舞蹈瀛海壖扶桑湧
紅旭黃木籠非煙焚香九頓首心在觚稜顛

初二日登觀音山眺廣州形勢和石翁韻

以山爲弁水爲程劉趙雄圖腳底呈日湧大瀛諸島現烟
開層堞百樓清飯香欲施娑婆國花早初然舍衛城保富
未遑先保庶要令種稔積垓京

春日對菊次胥園廉訪韻

三素偏於壽客期

菊爲壽客

對傾醅醪薄醒宜影踈居士燒香

夜英綻先生夢蝶時。鏤勝語新堪插帽。試燈風軟不穿籬。
嶺南草木春無力。借得秋容爛熳披。

試燈夕公讌石翁大司馬於藩署卽席石翁賦詩依

韻奉呈

仙羊城郭鬧蛾天。接座明珠竟體圓。豈有雅歌邀勝賞。幸
依樂只迓韶年。感公精健營陶甓。媿我蹉跎負祖鞭。月未
團圓花抱蕾。看花待月思依然。

用紫忠
惠句

元夕疊韻

夢繞城南尺五天。眼看嶺月七回圓。

到粵
七載

佛遊舍利放光

夜人遇春王大赦年。出海蜃樓晴點炬。未雷龍籜暗行鞭。
節堂更靜清如水。心與金輪共皎然。

和石翁韓山謁文公祠

江南亦祀韓文公人品則異謚猥同

南唐韓熙載歿謚文江南人畫像祀之

黽黽安許混鐘呂一篇謝表陳丹衷諫臣不殺僅遠謫言
雖弗納恩已蒙潮人至竟像刺史棟桷亘繞千霓虹韓山
岩巖韓水碧井邑盤鬱樓櫓雄蕉黃荔丹薦芬苾絳袍烏
幘顏何丰文章能變魑魅俗夢寐欲紀元和功小人悻悻
愛訾議皇天昭鑒憐羈窮颺風不作鱷遠徙豈惟道直由
氣充我七年前曾過此策馬未暇瞻孤忠紫陽大儒今節
度俯仰祠宇飄清風鴻辭健筆誰敢繼七字潮湧瀛海東

和石翁謁東坡亭

仙人聊爲汗漫游謫惠輒作三年畱山僧老病不孤寂白

鶴自營屋蓋頭雲姬相隨過子侍羅浮蹋遍未肯休山川
城郭兩蘊藉至竟井甃深而幽由來六合無住著空際雲
葉自散收後人辛苦護陳蹟有似劍失漫鏤舟精英颯忽
返奎宿翰墨狼藉人間求更數百年作者起顏頰秦晉非
魯鄒精言大義仙佛奧滂澤善訓富庶謀方知經綸出福
命才大遇嗇憐眉州合江亭子嘉祐寺懷古三嘆停驂騶
舒容堂榷使餉鹿尾二枚恭蘭巖學使先有詩見示

因次其韻

昨夢羊蹄蹋圃寒呦呦尾忽得雙單

都統張公復餉一枚

裹來虞雪

餐風塞與佐醯螯蜜唧餐捉柄座中霏玉屑截肪天上湧
晶盤爲臨鹿脯三行帖記得當年饜大官

從前在樞庭行
走時曾蒙特

賜滿漢章京野
雞鹿尾蒸捲

次蘭岩學使見贈之作

峭寒輕暖試燈過出海金輪淨若磨曲有鼻聲難悅曠

連日

觀劇頗

厭其靡詩求大藥不逢和玉堂風月神仙貴嶺嶠文章翫

翠多待得曲池新水漲綠萍看泛雪翎鷺

使院九曜池春水方生鷺鳴啞

中喋其

次蘭巖學使見贈十二韻

趙佗尉耳竇啓邦山盤海抱呈雄蒼民殷百頑得一秀地
煨十歲有九穰稻含草木異名狀不韋月令殊凶祥燒空
自燄紅力及照檻孤耿白佛桑潮田不糞雨瀉鹵瘠畝用
火鋤除稂吾官畧昉度支職在任不厭諏諮詳因利而利

視民欲不殺之殺恃憲章比鄰鎖院耀奎壁暇日寒具攤
琳琅玉堂才子骨貌竦爰海吉貝斗斛量官庖清苦饜首
藉詩句秀茂鏘筠篴哨壺枉矢善飲客高論雄辯驚排闥
韻貽十二抵六穀何以報之沉水香

以海南香
一匣奉報

正月十九日大雨

去年潮州大荒旱歲行毋乃淫元枵千錢斗米殫相望甚
或自墮湘子橋廣州米價亦不賤城中雨雹萬瓦齧便宜
火急發倉廩賑糶並用寬諸徭困者頤蘇潤者潤五月白
米攤長腰痛定思痛熬可佈災後得稔乃倖徼今年恭逢
堯禪 舜改元大赦邁姒姚大酺三日黔首醉協風
清且田畷劬暗塵明月闌城野七人八穀聽謹謠今朝雲

濃雨點大澤物有力伸天喬蚤逢移浦翡翠濕龍鼓殷地
鯨鼉驕實僚儘有裨與梓能占八風知歲饒澤中荏苒漸
戢息市上伎巧靡淫妖使君無事擁書坐有酒斟酌傾瓶
瓢作詩似雅亦似諺何以和之宜村簫

次胥園廉訪戲東韻

未老花如霧裡看不施簪導髮欺冠乞君甘杞黃精酒佐
我青蔬白筍餐朱雀金花自成侶臧羊塞馬兩無干眼前
過去未來事默坐焚香禱夜闌

晝長無事買書看快處狂呼不著冠精力久疲文字債胃
腸慣飽友朋餐自驗詩句鏗琴筑怕露鋒鋌秘鑊干騶導
過君衙吏報南華蝶夢午初闌

和石翁驗礮簡官卽事韻

春城雨過草痕平，小隊初陳二廣兵。
機發萬雷爭震虢，閭開八鎮粵東西極崢嶸。
峩峩輕帶緩諮諏，語騎遠林長蹀躞。
聲當代幾人胸有庫，如公整暇似文成。

和莊胥園廉訪柬贈

嗜好不同殊與聰，鄭紫不亂盲與聾。
五千道德守雌默，吾愛老子其猶龍。
變而爲莊乃汎濫，其文獨奏無律鐘。
刁刁調調發天籟，呼噏突竅自塞通。
後來養生學仙者，大抵俎豆祖此翁。
今其苗裔秉粵臬，我七年前始與逢。
軀幹雖瘦膽智大，想見年少王家戎隴禽。
羌笛富詩卷，點蒼金齒紀跡蹤。
功名有數看塞馬，聰明悞我憐坡公。
自君到此典兩

郡山川清美相爲容

惠州華慶

韓江蒼蒼韓水碧

擢惠潮道

使者所

過蘇顓蒙鉢中香飯普施衆盃底蛇影驚懸弓五聽審克

亮如月千牘拊擋疾若風

再擢臬司

近來收視更返聽滿腔生

意出勃蓬懸疣附贅續家學黃精挾苓牢緘封督郵何人
是僉父丞如欲去吾其從

和包誠齋觀察見贈二十六韻

不解唱歎乃不會舞獨速本非廊廟姿而少山林福靴面
薰以皴戟鬚短且簇猴騎土牛頑黏上竹竿綠舊書久漸
忘新牘澀難讀多病馬相如知非遽伯玉麋鹿施衣冠蠓
蛄富旨蓄賦荃屈靈均弔詭李昌谷叨竊四品官穩坐不
租屋永叔愛潁川和仲生紗縠藥從勾漏求筆向扶胥浴

多慮爲寡歡避榮乃遠辱料理七碗茶不羨八州督骨性
非桂藍詩句帶辛酷看花霧隔簾弄月水一掬以我無心
人入君容人腹職業互切劇簿書猥逼促交憐煦更濡因
依輪與轂歲月徂崢嶸席幕困踏跼相期千里筒遂刮三
日日短札寫唐麻濃墨酣宋肉就貫珠自聯破膽舌欲縮
險韻拈梅三駢葩燦鼓六亟購羚峽材細輯烏臺錄七星
雲氣濛三洞猿聲足作詩付雙魚春宵刻短燭

和石翁二月初四日雨中祀龍神

春雷殷地舞湫龍肅拜珠宮薦醑濃澤滿大瀛樓市幻烟
含十郡甲勾龍亟誅害馬方蕃馬

時榆獲大盜何德廣嚴鞠請誅

已慶休

農更劭農齋沐趨陪尙書履祀功謝雨比禋宗

和石翁合試粵秀越華書院生童

盛寒擁絮慕元流

漢踈源字元流南海人爲尚書郎資性廉潔

越騎飛揚督萬

艘

鄭嚴田甲俱南海人歸漢封歸義侯將以呂嘉亂將兵十萬下蒼梧潯水

人物自來文武

競犀珠端向海山蒐春蠶食葉堪思快勁羽穿楊亟拔九

鷲鹿儼分左右廣

生監坐東號童生坐西號

戰酣新月掛樓頭

和石翁示粵秀越華諸生

杏壇花發番山春

番山在廣州府學中前有杏壇

新芹煖脆鳴牙齧

與漸通

秀華規制昉鷲鹿輔翼庠序明人倫廩餼日月差可給齋

廡左右清無塵地當南離火炳燭俗貴異物琛璘彬鱗鞞

所患尠知甲錐刀枉自戕身心宅邊栽松景前哲

楊寒月

擁絮甘長貧

踈源

寸田豈逐歲豐嗇尺壤自與時屈伸諸生

勉作徵士董大匠况遇西山真格言特地換韻語聽藐毋
乃辜誨諄我今竊祿百無狀於此曾少嘗酸辛

隨石翁用蘇公韻二首

松香拂蓋澗流花杖策來尋野衲家塞牖蓬鬆雲似絮貯
泉厯落盍如瓜天龍收雨虎心善慈姆憩林幡影斜咫尺
摸星稱險絕足疲何處覓飛車

右白雲山用蒲澗長老韻

朱蓋青山互却前繞尋刺史手疏泉碑摹豐樂記中字有舊

蘇公手書墨刻詩久燬明萬厯時巡撫寺厯蕭梁劫後天

劉介摘公書豐樂亭記中字重摹入石修竹白沙僧活計漆燈青火佛乘禪安期化去菖蒲老從

此人間不學仙

右蒲澗寺用本詩韻

詔遣廣州副都統和

興額

就近祭告南海神廟

俊

以

本道率僚屬陪祀

詔於火宅肇明禋復旦光華嶺嶠春海若効靈波似鏡雨
師霏潤草無塵

祭前一
日大雨

升香芬苾容臺出終薦精虔鹵簿

陳來與將軍共齋沐夙興承事矢惟寅

波羅舟中聽雨

今年春雨最優霑處處春風撲酒帘但願宜蠶更宜麥可

能無疥復無疢已徵八郡征苗甲莫墮千艘出竈鹽

官鹽
滯銷

謂之
墮銷

求牧自知靡善術愁心祇與夜潮添

潘毅堂同年貽洋繡毬花作詩謝之

詭名殊貌證稽含貽我雙蕤風露酣照眼但形羣卉瘦銜

盃應笑主人貪淺深紺碧陰陽足

花瓣初淺碧而繼深紺數日之內自爲轉換

合散珠璣智慧叅

合數十百小朵爲一大朵如盤如盃其落也亦零星脫散

何必紫絲

爲步障踈簾清簟伴瞿曇

和石翁移撫皖江留別元韻卽以送行

粵野爲揚州氛霧雜風雨自公之來茲蛟鰐遁幽阻雅歌
殊恬愉執匕何毅武戟門等蓬茨靈笈祕囊褚菩薩現宰
官神仙曳紳組或煦如春陽或和喻醇醑吾無隱乎而非
斯徒誰與殺人乃活人處物若自處治盜自內外育士滿
塾序不聞城闕歌罕見國門禦崢嶸政象成欲繪不能語
韓蘇去云遠而公繼來遊公福勝前哲磨竭宮不畱直道

忘詛祝廓宇無恩讎已有松挺腹何用刀占州風操帝
心簡翰墨部吏偷棠仍皖瀦舊霖暫滄瀛收來去本若電
蒼赤誰爲鳩海屯餘皇甲野寡禪謀惆悵拂餞席繼繼
拭泪眸九秋劇蕭槭十幅帆去聲遠修願公復還施慰此龍
戶謳

和胥園廉訪暮春有感

知也無涯生有涯風盲雨怪滯靈槎吐吞鉛汞雌雄火曉
暮春秋荏苒花不任鯨鬣驕大澤慣憑樓閣攬晴霞使君
簾幕殊孤寂短簿青山是我家

花外一聲黃粟畱嬉春無侶絮盈頭何人擲笛能三弄昨

夜篝燈似九秋

三日前風雨凄
緊酷似深秋

靈壽輸君初拄杖鈍遲唄

我尚騎牛稍聞蝨爾羅施國爲引深杯亟洗愁

和胥園廉訪耕藉原韻

少年耳熟老農言到此三逢叱犢喧

余在粵七年耕藉三次餘俱以事牽不得

與真有水泥濺犍襪快看雲物滿林原朱轡青葢自前後
鴉嘴鶴頭相輕軒賣劍賣刀良不易萑苻澤裏尚徒繁

庭中石榴每歲有花無實今年花更繁甚賦之

榮南有石榴歲歲花不實譬諸文章家辭不本經術今年
春雨酣枝葉更橫逸的的懸火齊磊磊綴霜橘紅英雀啅
餘駢蒂蜂抱出爛漫須臾間狼藉侵尋失豫產殼如椀滇
品子似蜜皮供仙人書貢補厥包佚何爾空狡獪眩我瞥
電霽未到剛卯辰虛照散花室物理良可知燄盡膏亦畢

風雨登舟之東莞

東風三日雲頭駁，鷓鴣歎雨噴如雹。吳子將有東莞行，日暮檣竿轉旗脚。廣州城中喧出師，爺孃妻子哭別離。我行不及相送汝，願汝早縛天狼歸。黃木灣昏戍鼓濕，夜半瘦蛟波底泣。退潮挾我雙楫飛，當有老彭來拱揖。東莞令彭人傑

查東莞常平倉得穀及糶價未買以銀合穀共十萬

石有奇

溪海互吞吐，滙爲七里城。君子敦且靜，小人僿以爭。宰故不易易，治貴無名名。魯論商政本，去食先去兵。苟非不得已，難以死易生。一邑穀十萬，在數爲之盈。官庸復胥蠹，歲饉兼魚賴。十輒空其五，紕此飾彼羸。我來蒞斯道，年華行

八更相與勵節儉無事怵癸庚僚吏頗知懼豪猾不敢并
網繆趁稼稔斗斛憑秋征不許出納妄要使錙黍明居然
實困廩遂爾堆垓京摺紳走慰藉童耄來逢迎知渠恃不
恐欣我觀厥成叮嚀告縣令常平防不平

夜半至石龍惠州官兵六十舸齊至卽督以行

山勢絡繹來羅浮夜半峯巒看不見洲邊漁火明星沙
上濕風吹旋旋組練五百沿江來一日夜已歷三縣

歸善博羅

東莞寂然號令宵銜枚惟其不囂故敢戰軍中督師問何人
卽我節度吉甫彥是能與爾同苦甘不矜臨事出機變爾
曹何患無父兄不必復有妻子戀傳聞狎苗醜可唾頭裹
白巾手白扇狂蠹臭蟻何足誅不見 王師自鼓煽爾行

四月歸及秋但去當爲寄錢絹戒貪少殺是師貞天上丈
人星已見

過石灣感上年捕大盜何德廣事

殺非可爲政不得已用之彼有叵測志謂我不能治十百
散川藪一呼而群隨探囊兒戲耳殺人涎流頤戚戚守與
令誘捕無所施噫哉鄭子產其言不我欺水懦故多死噬
臍良已遲縛虎必入穴斬蛟先壅池石灣上中下三村自
逶迤蹂躪及禾麥欺侮到鯉發篝火聚一室四鄰不敢窺
時維大除夜月晦星迷離密請大府令急遣八百師開城
更四點疾走無人知乘其淫且醉布我網與機周遭四十
里搜縛將靡遺人心憤貫惡天道憐氓蚩殺一以活百姑

息非慈悲獄成磔其桀餘臯遺有差此事小不慎難免成
瑕疵兵凶忌嘗試行速滋駭疑罪人幸斯得愉快翻嗟咨
辟也欲止辟書以告有司

舟中

九日陰霾一日晴東風酷似剪刀輕使君睡起渾無事閑
看鷓鴣相對鳴

山川霸氣有無中一雨淹宵渚泊空又向木棉頭

地名下過

滿船鏜鼓夕陽紅

三水示令丞尉

南岸青山競奔馬西來新漲舞狂龍居然一邑承三水
爾孤城扼最衝爲政當如鄭子產有心難得衛儀封由來

魚稻關民命細卜陰晴驗稔凶

新會示縣令汪注

祥柯浩浩竹箭奔捲地有力泥沙渾狂龍赴海舞鱗甲風
雨冥晦迷千村岡州城郭抱半月外城環舊城之半壓市櫛比蒼

山根

圭峯在城北

春耕已過田水滿散隴黃犢偕烏犍芭蕉葉

大荔子挺布穀啼老百舌繁閭閻殷昇文獻足翼序揖讓
衣冠尊釣臺風月自千古厓山涕淚憐忠魂誰歟宰此玉
堂彥能以經術裕政源受人牛羊急芻牧視民肥瘠孳雞
豚小用大用效立至要以簡靜蠲苛煩我心恬夷不好殺
去其害馬馬是蕃君善爲之勿且次世事擾擾蠅棲藩

雜書

豹毅均之死荆凡孰是存不如瓠五石無用可爲樽
鸚鵡受籠鎖騏驥困韉轡可憐文武備伏地有翁歸
林深鬻避虎沙淨鷺窺魚我已機心盡何庸愚彼狙
官本臭腐尸錢爲穢惡糞得喪良悠悠慎勿輒喜愠
疾風飄墜瓦不關伎者心如何大棘戰私怨有羊斟
禍患忽微間果報須臾耳結草亢杜回帷婦笑卻子
平生似賈胡到處輒畱戀胸串百家書官非三語掾
時至則爲耳斯言亦已偉焉能拜尙書而來署紙尾
萑苻故多盜汰自羣公子何人來救時惠哉吾子美
垂老無姬媵精神尙昔如不須加九錫塵尾短轅車
收拾甲兵庫安排書畫船胸中無芥蒂雲夢澤連天

伯羸譖子揚越椒圍蔣賈戕人以自戕智在炭甕下

讀國語

壘培增築事殊奇百里何堪作繭絲戰國不修循吏傳晉陽尹鐸是吾師

三晉居然抗祖龍太行南北是提封宵兮面狼瑤心狠一會藍臺滅智宗

伯也而王敢僭誣黃池昏戒計何愚可憐如火如荼裏偏伍無非嬖大夫

由來郢楚夥卿材熊繹山林啓壯哉父死不教以芟祭到爲有子建何才

延州來季子

閩戕戴吳巢隕樊天之所啓夷昧昆季子不立而守節州
來封邑馨蘋繫吳於中國罕盟會自札聘魯交游繁開吳
風氣非偶爾諸姬豈與諸夷論從容觀樂徧六代二南以
下感嘆存去戚能使林父懼贈縞獨與子美敦先幾晉國
萃三族微公子智疇能言宜乎宣尼碑作誅大書表墓龍
蛇蜿

讀唐紀作

牛李

吁嗟牛奇章對策詆吉甫自此交相讐出奴入者主中璫
媒其間舉動輒齟齬赫赫贊皇公出身恥科舉罷政帥劔
南日日討軍旅唾手得維州竟爲朝議沮縛送恚怛謀拒

降以快虜私憤壞邊事思黥罪難數崢嶸會昌年庶幾中
興覩奈何吳湘獄崖州竄司尸魂能感令狐雪表洒淚雨
寂莫平泉莊當年休沐所怪石與珍松轉眼成平楚恩讐
何時休禍福由自取一羹三萬錢造化肯玉汝

柳公綽

當街杖牙將殺馬祭圜人京兆法應爾中丞嚴且仁茫茫
徑北磧九姓更六州陰山置都督感涕沙陀酋一切所施
設非復書生能纛韃謁思黯軍中詫未曾藩鎮重宰相一
語吾服膺壽郎亦象賢去蓋拜馬下道逢張尚書豈是悠
悠者

柳公權

筆諫不爲譎吾慕柳誠懸弟兄擢清品遭遇太和年微涼
生殿閣十字近自然賡颺事誠美不救甘露難垂老誤占
奏衣冠有餘歎得意金剛經西明古佛舍平生書貺多一
笑銀盃化

劉蕡

吁嗟劉去華感慨談王霸太和親策士一對見者怕議論
斥中官禍變切車駕鄙哉賈餗輩醒齷齪真可咤堂堂李子
元上疏願自下未幾甘露難反獄定怒罵自此中尉權竟
向天子假低頭制家奴甘作赧獻亞可憐秘書郎貶死不
逢赦郴州祀叅軍文章家膾炙

杜牧

中年飯甑裂夜夢白駒皎司勳故達人臨死自焚稿千秋
談藝家舉配浣花老但知慕詞章不復叩蘊抱唐白長慶
來廟算頗顛倒澤潞從諫驕魏博進滔狡國家失山東諸
道遂俶擾奮筆作罪言命意豈草草浪戰策斯下取魏計
須早胸中熟形勢眼底洞裏表知已有贊皇采用惜未了
不愧司徒孫難免從兄媚

慘也更歷將相而
牧困躓不自振

平生李宋交

李甘李中
敬宋列風節自孤掉

馬存亮嚴遵美

出監淮南軍入救宋申錫闔以忠謹稱毋乃衣冠戚漠漠
青城山隱者不可覲北司奪相權一語鷹鷂擊持以風貂
璫莫羨覽與節

何易于

縱火焚却權茶詔腰笏自挽刺史舟三年僅得中上考惜
乎不早逢裴休

榮性堂集卷十四 終